



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

XXVI. Die Markgrafen Otto, Albert und Otto vereignen dem heil. Geist-Hospital bei Salzwedel das Dorf Wendisch Ghüden, am 7. März 1282.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

Saltwedel pro redemptione precarie recipiemus annis et terminis, prout nobis est in placitis constitutum. Hiis vero annis expletis, in primo anno sequenti nobis redditus comparabuntur, scilicet pro manso, qui solvit chorum siliginis sive ordeï, duo solidi granium (oder grauium) vel equiualeus. Mansus vero si minus soluerit, minus de ipso dabitur, et hi proventus in festo Martini in eodem anno instanti nobis presentabuntur. Verum si predicti proventus tempore prefixo nobis integraliter non poterint comparari, ipsis non suspectis, immo sine Vara manentibus, sex viri electi ex parte nostra et terre Saltwedelensis, Advocato nostro cooperante, ne quid nobis de redditibus nostris prefatis deficiat, ordinabunt, hac videlicet condicione, si aliqui, quod absit, constitutionibus factis inter nos et terram Saltwedelensem presumerint non acquiescere, tales per nos ad cunctas constitutiones seruandas, prout ordinatum est in nostris litteris, compellentur. Si autem in redditibus his, quos terra nobis comparare tenebitur, vel in eorum valore, inter nos et terram Saltwedelensem dissensio aliqua oriretur, sex electi a nobis et a terra dissensionem talem discutient, eorumque discussioni ex utraque parte nos et terra tenebimur assentire. Cum vero nobis redditus emere voluerint memoratos, ipsos in emtione bonorum non debemus modo aliquo impedire, dummodo ipsorum emtio nobis in seruitiis nostris diminucionem non faciat vel defectum. Insuper nos Otto Senior recognoscimus ejusdem terre inhabitatoribus fide data promississe, quod sigillum nostrum verum, cum ejus copiam habere poterimus, litteris scriptis super venditione precarie appendere debeamus. Igitur ne hujus facti fiat obliuio, hanc super eo literam scribi fecimus et sigillorum nostrorum munimine roborari. Testes sunt Gheuehardus Senior de Alvensleue, Arnoldus de Jagowe, Hermannus Wiff et alii quam plures. Datum Anno Domini M^o. CC^o. LXXX^o. II^o. III^o. Nonas Marcii.

Nach dem Orig. des Salz. Archives V, 1.

XXVI. Die Markgrafen Otto, Albert und Otto vereignen dem heil. Geist-Hospital bei Saltwedel das Dorf Wendisch Chüden, am 7. März 1282.

Nos Otto, Albertus et Otto, fratres, dei gratia Brandenburgenses Marchiones, hujus scripti tenore notum fieri cupimus uniuersis tam presentibus quam futuris, quod proprietatem et omne jus cum seruicio et advocatia, que nobis in flauicali villa, Chudene uocata, competeat, domui hospitalis S. Spiritus iuxta Saltwedele donauimus propter Deum perpetuo possidendam, ut progenitorum ac nostrarum animarum ibidem memoria annis singulis peragatur. Hec autem bona damus jam nominata a domino Johanne de Crakoue et suis fratribus de nostra uoluntate et consensu pro certa pecunie quantitate dignoscitur comparasse sub distinctionibus agrorum antiquitus et etiam nouiter consignatis et similiter cum lignorum limitibus hoc modo incipiendo, ab austro iuxta pontem, qui Chüdene brücke uulgariter nominatur, et sic directe descendendo uersus occidentem inter agros dicte uille et siluam usque ad agrorum terminum, quo peruento directe uersus aquilonem per ipsam siluam usque super aquam Bynde distinctio habeatur, et deinde ipsam aquam ascendendo usque ad pontem prehabitu uersus austrum et sic de ipsa aqua ducendo iuxta pontem uersus meridiem usque ad signum primitus consignatum. Premissa uero omnia domui supradicte

rationabiliter et liberaliter donamus, non obstante impetitione frivola burgensium de Soltwedel, quam contra silvam prehabitam pretendebant, per nos de jure irritata omnimodis et cassata. Insuper dicta bona ab exactionibus quibuslibet, precariis et injuriis, sicut omnia bona ejusdem domus, perpetuo supportamus, Recipientes nichilominus dictam villam cum silva nominata et consignata et omnibus suis attinentiis cultis et incultis in nostram protectionem perpetue et tutelam. Ut ergo hec nostra donatio cunctis in posterum elucescat et inconuulsa permaneat et ne a quoquam heredum aut successorum nostrorum in futuro confringi valeat et mutari, presentem paginam conscribi iussimus et sigillorum nostrorum munimine consignari. Hujus autem donationis nostre testes sunt Arnoldus de Jagowe, Bodo de Walstaue senior, Hermannus de Boyster, advocatus de Soltwedele, Johannes de Krakowe, Degenhardus, frater ejusdem, et Bruninghus, frater eorundem, curie nostre notarius, Wernerus de Schulenborch, Arnoldus de Bodenstede, Henricus, frater ejusdem, Wernerus de Prilop, Bodo de Walstaue junior et alii quam plures milites et fideles nostri. Datum Soltwedel, anno domini M^o. CC^o. LXXXII^o., primo Nonas Marcii.

Nach einer alten Copie im Salzwo. Archiv XXXV, 29.

XXVII. Markgraf Otto genehmigt die Verhandlungen mit dem heil. Geist-Hospitale zu Saltwedel, welche sein Bruder Albrecht in seinem und des jüngern Otto's Namen vorgenommen hat, am 9. März 1282.

Nos Otto, dei gratia Marchio Brandenburgensis, Tutor et Capitaneus in regno Boemie generalis, recognoscimus et tenore presentium protestamur, quod super donatione proprietatis, quam dilectus frater noster dominus Albertus, illustris princeps, Marchio Brandenburgensis, domui S. Spiritus apud civitatem nostram Soltwedel cum privilegii nostri traditione maturo consilio nostrorum fidelium et nostro libere donandam decrevit, pro fratre nostro, domino Ottone juniore, nobis dilectissimo, et pro nobis, nostrum impertimur consensum, ea omnia, que in eodem privilegio super ipsa proprietate edita sunt descripta, presentibus approbando, ita quod ad jam dictum privilegium nostrorum appensio fieri debeat sigillorum, dum copia haberi poterit eorundem, grata habentes et rata quecumque cum eadem domo S. Spiritus nostro nomine sunt tractata. In cujus rei evidentiam plenioram presentem paginam impressione nostri annuli duximus muniendam. Datum Saltwedele, anno domini millesimo ducentesimo octuagesimo secundo, VII. Idus Marcii.

Nach Gercken's Cod. I, 50. 51. u. Penz Br. Urk. II, 901: